


土岐文庫

文庫17

W72

7


3-000



60

55

50



元詩別裁集卷五

姚培謙述齋

雲間張景星二銘點閱

王永祺補堂

七言律

橫波亭為青口帥賦

元好問

孤亭突兀插飛流氣壓元龍百尺樓萬

元詩別裁集卷五 七律

文庫 17
W72
7

昭和六十年二月一日贈
立以吉唐氏寄

010185144294

里風濤接瀛海。千年豪傑壯山邱。踈星
淡月。魚龍夜老木。清霜鴻雁秋。倚劍長
歌一杯酒。浮雲西北是神州。

潁亭

潁上風煙天地迴。潁亭孤賞亦悠哉。春
風碧水雙鷗靜。落日青山萬馬來。勝概
銷沉幾今昔。中年登覽足悲哀。遠遊擬
續騷人賦。所惜忽忽無酒杯。

被檄夜赴鄧州幕府

幕府文書鳥羽輕。敝裘羸馬月三更。未
能免俗私自笑。豈不懷歸官有程。十里
陂塘春鴨鬧。一川桑柘晚煙平。此生只
合田間老。誰遣春官識姓名。

出都

漢宮曾動伯鸞歌。事去英雄可奈何。但
見觚稜上金爵。豈知荆棘臥銅駝。神仙

不到秋風客富貴空悲春夢婆行過蘆
溝重回首鳳城平日五雲多

寄劉繼先

清霜茅屋耿無眠坐憶分攜一慨然楚
客登臨動歸興謝公哀樂感中年淒涼
古驛人煙外迤邐荒山雪意邊干樹春
風水楊柳待君同繫晉溪船

送樊順之

弓刀十驛岳蓮州渭水秦山得意秋王
粲從軍正年少庾郎入幕更風流寒鄉
况味真雞肋清鏡功名屬虎頭寄謝溪
風亭上月老夫乘興欲西游

高亭

劉因

高亭雲錦繞清流便是吾家太一舟山
影酒搖干疊翠雨聲窗納一天秋襟懷
灑落景長勝雲影空明天共遊笑向白

鷗問塵世幾人會。信有滄洲。

夏日飲山亭

借住郊園舊有緣。綠陰清晝靜中便。空
鉤意釣魚亦樂。高枕臥遊山自前。露引
松香來酒盞。雨催花氣潤吟牋。人來每
問農桑事。考證牀頭種樹篇。

和劉朔齋海棠

年 獻

人物當今第一流。以花為屋玉為舟。曉
妝未許寒幃看。夜醉何妨秉燭遊。錦里
宣華思舊夢。黃州定慧起新愁。何如歸
伴徐公餽。穩結一巢花上頭。

陪阮使君遊玉几 戴表元

花滿車茵酒滿船。亂雲堆裏訪枯禪。林
深何處無芳草。人靜有時聞杜鵑。神屋
晝飛青礧磳。靈潭陰罩赤蜿蜒。居然悟
得松風夢。回首廬山二十年。

十月朔旦寄貴白兄弟

黃牛邨前秋葉飛。青螺峰外海雲歸。故人相思雪滿鬢。客子獨行風舉衣。烏鵲定占誰屋喜。鱸魚知比去年肥。當時歌酒江湖上。百里音書今亦稀。

田家雜興二首 方夔

樵路通邨暗。蒺藜數椽茅。蕪護踈籬陰。陰清樾風生。樹拍拍蒼鵝。水滿陂。記日旋鉏燒地粟。上時新賣落車絲。晚晴慚媿逢端午。醉臥黃昏自不知。

兩兩蒼髯笑杖藜。舊裙兒女隔笆籬。斜陽鴉噪燒錢社。細雨牛眠放牧陂。酒熟十千沽玉溼。麪香三丈卷銀絲。客來偶及興亡事。說與衰翁也自知。

晚眺

依稀風景小。羗邨不欠東。屯稻菽園阿

魏擣香風送響雕胡擘玉水開痕招邀
紫翠山當座標撥紅黃菊上盆世上去
來俱是客隨風吹送夢歸魂

越州道中

熊鉅

野田秋溜正潺潺新翠喬林繞舍環淡
日凝煙橫別浦斜風吹雨過前山柴扉
初放牛羊出漁艇方攜蟹蛤還自笑平
生愛遊覽天教長在水雲間

次韻子封承之遊桃花塢

陳深

閨門行樂送韶華閑訪城陰野者家黃
鸞得晴飛葉葉翠禽隔浦啄桃花衡門
倒屣臨官路古渡橫舟閣淺沙亦有詩
人時一到醉吟行盡夕陽斜

與師言客錢塘凡三月餘師言歸
後作詩奉寄

袁易

燈花猶記別時紅。為報君歸我亦來。豈
意黃塵迷瘦馬。尚淹青眼送飛鴻。群山
積雪清相射。千樹寒梅望欲空。何遜揚
州才思減。試煩妙語喚春風。

春雨漫興

日日春陰祇欲眠。強尋南陌復東阡。猶
殘碧樹花多少。莫惜金尊酒十千。象管
烏絲題往事。玉簫錦瑟負華年。愁來祇
對西山坐。卷起疎簾翠接天。

江上平蕪望欲迷。江邊密雨細如絲。冥
冥白晝飛花急。漠漠青林度鳥遲。春事
又當三月莫。人生那得百年期。誰能苦
惜纏頭錦。喚起嬌嬈舞柘枝。

老馬

郝經

百戰歸來力不任。消磨神駿老駸駸。垂
頭自惜千金骨。伏櫪仍存萬里心。歲月

淹延官路杳風塵在苒塞垣深短歌聲
斷銀壺缺常記當年烈士吟

落花

彩雲紅雨暗長門翡翠枝餘萼綠痕桃
李東風蝴蝶夢關山明月杜鵑魂玉闌
煙冷空千樹金谷香銷謾一尊狼籍滿
庭君莫掃且留春色到黃昏

過沙溝店

王惲

高柳長塗送客吟暗驚時序變鳴禽清
風破暑連三日好雨依時抵萬金遠嶺
抱枝圍野色行雲隨馬弄輕陰搖鞭喜
入肥城界桑柘陰濃麥浪深

寄鄭信卿參政

程鉅夫

闕下相看未忍分過門誰料不逢君竟
參華省江南去定有新聲天上聞夜靜
每勞瞻紫氣春深幾欲和停雲豫章臺

下南歸路何日論心到夕曛

題閣皂山

吳澄

漢吳仙跡兩峰齊。欲拾瑤華路恐迷。寶殿青紅疑地湧。林巒蒼翠接天低。九重香案分雲篆。八景琅函記玉題。仙鶴翔空清似水。步虛聲在朶雲西。

立春日賞紅梅之作

元淮

昨夜東風轉斗杓。陌頭楊柳雪纔消。曉來一樹如繁杏。開向孤邨隔小橋。應是化工嫌粉瘦。故將顏色助花嬌。青枝綠葉何須辨。萬卉叢中奪錦標。

和姚子敬秋懷

趙孟頫

搔首風塵雙短鬢。側身天地一儒冠。中原人物思王猛。江左功名愧謝安。肯著秋高戎馬健。江湖日短白鷗寒。金尊綠

酒無錢共安得愁中却暫歡

聞擣衣

露下碧梧秋滿天。砧聲不斷思懸懸。北來風俗猶存古。南渡衣冠不及前。首肯總肥宛騷。琵琶曾泣漢嬋娟。人間俯仰成今古。何待他時始慨然。

岳鄂王墓

鄂王墓上草離離。秋日荒涼石獸危。南渡君臣輕社稷。中原父老望旌旗。英雄已死嗟何及。天下中分遂不支。莫向西湖歌此曲。水光山色不勝悲。

溪上

溪上東風吹柳花。溪頭春水淨無沙。白鷗自信無機事。烏鳥猶知有歲華。錦纜牙檣非昨夢。鳳笙龍管是誰家。令人苦憶東陵子。擬問田園學種瓜。

次韻信仲晚興

蕭蕭殘照晚當樓。寒葉疎雲亂客愁。歲
月蹉跎星北指。乾坤浩蕩水東流。古來
人物皆黃土。少日心情在一邱。獨立無
言風滿袖。青山相對共悠悠。

次韻王時觀

相思吳越動經年。一見情深重惘然。草
木變衰人易老。江湖牢落雁難前。秦山
半出青天上。禹穴遙臨古道邊。欲說舊
遊渾似夢。何時重上剡溪船。

錢唐懷古

東南都會帝王州。三月鶯花非舊遊。故
國金人泣辭漢。當年玉馬去朝周。湖山
靡靡今猶在。江水悠悠只自流。千古興
亡盡如此。春風麥秀使人愁。

紀舊遊

二月江南鶯亂飛。百花滿樹柳依依。落
紅無數迷歌扇。嫩綠多情妬舞衣。金鴨
焚香川上暝。畫船搥鼓月中歸。如今寂
寞東風裏。把酒無言對夕暉。

見章得一詩因次其韻

水。色。清。漣。日。色。黃。梨。花。淡。白。柳。花。香。即
看。時。節。催。人。事。更。覺。春。愁。惱。客。腸。無。酒
難。供。陶。令。飲。從。人。皆。笑。酈。生。狂。城。南。風
暖。遊。人。少。自。在。晴。絲。百。尺。長。

次韻端文和鮮于伯幾所寄詩

畫舸西湖到處遊。別來飛夢到杭州。百
年。底。用。憂。千。歲。一。日。相。思。似。幾。秋。苦。憶
東。南。多。勝。事。空。吟。西。北。有。高。樓。只。今。賴
有。劉。公。幹。時。寫。新。詩。解。客。愁。

張虛靖園菴扁曰歸鶴次韻

表 楠

招仙遊館梅亭亭。萬疊松寒曉日青。玉
局講殘春換劫。石臺丹在草通靈。紅羊
赤馬悲滄海。白虎蒼龍儼大庭。為愛子
喬笙鶴。羨月涼時許夜深聽。

寄史允叟

故國王孫佩碧蘭。春雲涼月倚朱闌。玉
簫曲趁鸞聲轉。金鼎香隨蝶夢殘。碧沚
波清堪把釣。黃塵風急倦彈冠。外家文
采惟君在。笑我冰髭跨曉鞍。

奉和與屯都事秋懷

馬祖常

靈河七夕巧雲稠。墜露聲清夜得秋。月
冷桂花飄左界。山寒荔子落東甌。人憐
紈縞裁衣袂。誰借蒲葵扇頭。竹影近
窗砧杵急。夢隨南客問行舟。

追和許渾遊溪夜回韻

溪水連雲過竹間。溪聲雲影半潺潺。鶴
來近屋童看熟。鷺下長松客對閑。每待
月痕侵石隴。還期煙色認柴關。人生豈
獨官為貴。好向君王乞越山。

龍虎臺應制

龍虎臺高秋意多。翠華來日似鸞坡。天
將山海為城塹。人倚雲霞作綺羅。周穆
故慚黃竹賦。漢高。空奏大風歌。西京巡
省非行幸。要使蒼生樂至和。

黃州道中

張養浩

濯足常思萬里流。幾年塵迹意悠悠。閑
雲一片不成雨。黃葉滿城都是秋。落日
斷鴻天外路。西風長笛水邊樓。夢迴已
悟人間世。猶向邯鄲話舊遊。

舟次湖口

虞集

江沙如雪水無聲。舟倚蒹葭雁不驚。霜

元言另卷三十一卷五
氣隔蓬繞數尺斗杓插地已三更拋書
枕畔憐兒子看劍燈前慨友生尚有乘
桴無限意催人搖櫓轉江城

送袁伯長扈從上京

日色蒼涼映紫袍時巡母乃聖躬勞天
連閣道晨留輦星散周廬夜屬禁白馬
錦韉來窈窕紫駝銀氣出蒲萄從官車
騎多如雨祇有揚雄賦最高

城東觀杏花

明日城東看杏花丁寧兒子早將車路
從丹鳳樓前過酒向金魚館裏賒綠水
滿溝生杜若暖雲將雨少塵沙絕勝羊
傳襄陽道歸騎西風擁鼓笳

宗陽宮望月分韻得聲字

楊載

老君臺上涼如水坐看冰輪轉二更大

地山河微有影。九天風露寂無聲。蛟龍
竝起承金榜。鸞鳳雙飛載玉笙。不信弱
流三萬里。此身今夕到蓬瀛。

題沈君湖山春曉圖詩卷

迤邐沙隄接畫橋。東風楊柳暗長條。鶯
隨玉笛聲偏巧。馬受金羈氣益驕。舞榭
歌臺臨道路。佛宮仙館入雲霄。西湖春
色年年好。底事詩翁嘆寂寥。

贈孫思順

天涯相遇兩相知。對榻清談玉屑霏。芳
草謾隨愁共長。青春不與客同歸。薰風
池館蛙聲老。落日簾櫳燕子飛。南浦他
年重到。只湖山應識謝公暉。

題黃隱居秋江釣月圖

范梈

舊識先生隱者流。偶因圖畫想滄洲。斷

元言別集卷五
雲滿路碧窗晚明月何年青嶂秋世故
風塵雙短屐生涯天地一扁舟何由白
石空磯畔招得人間萬戶侯

夢武昌

揭傒斯

黃鶴樓前鷓鴣洲夢中渾似昔時遊蒼
山斜入三湘路落日平鋪七澤流鼓角
沈雄遙動地帆檣高下亂維舟故人雖
在多分散獨向南池看白鷗

送詹尊師歸廬山

香爐峰色紫生煙一人京華路杳然雲
碓秋閑春葯水雨犁春臥種芝田書憑
海鶴來時寄劍自潭蛟去後懸忽報歸
期驚倦客獨淹微祿負中年

開元宮

黃潛

誰使藏舟一夕移紅樓翠幙未全非曾
聞帝子乘鸞去疑有仙人化鶴歸煙溼

月明瑤草歇。石壇露冷碧桃稀。赤欄橋
畔多時立。閑看楊花作雪飛。

獨立

數盡飛花一愴然。壯心迢遞夕雲邊。十
年人事空流水。二月風光已杜鵑。過眼
青春寧復得。汗人黃土絕堪憐。故園尚
有平生約。可使蒼苔到石田。

即事

南陌東阡草色齊。悄悄門巷客來稀。受
風燕子輕相逐。著雨楊花濕更飛。綠樹
無言春又盡。紅塵如霧手頻揮。浮生莽
莽吾何計。獨立看雲竟落暉。

夏日漫書

枕上初殘柏子香。鳥聲簾外已斜陽。碧
山過雨晴逾好。綠樹無風晚自涼。芳歲
背人成荏苒。好詩和夢落蒼茫。羊求何

不來三徑門掩殘書滿石牀

龍潭山

二月清江照眼明。避風舟楫滿迴汀。
雲扶雨。時時黑。密葉藏花樹。樹青習隱。
未成陶令賦。行歌聊共屈原醒。碧潭光
景無消息。坐看魚兒點翠萍。

次韻魯參政觀潮 柳貫

怒潮卷雪過樟亭。人立西風酒旆青。日

鼓行天淪左界地。機激水出東溟倒排。
山嶽窮千變。閭闔雲雷竦百靈。望海樓
頭追勝賞。坐中賓客弁如星。

次伯長待制韻送王繼學修撰馬伯庸應奉扈從上京

山圍黑谷翠漫漫。獨詩詞臣息馬看。蹕
道雲開朝采正。蹄林風定雪花乾。賦成
特賜麒麟剡。宴出初擎碼碯盤。歲歲八

州人望幸鉤陳旗尾認朱竿

次韻伯庸待制上京寓直書事因
以為寄

舉頭涼影動明河。問訊仙人八月槎。斗
下孤光懸太白。雲間長御挾纈阿。霓裳
催按新聲遍。鳳詔需承曲宴多。一代詞
華歸篆刻。龍文還欲映瑠戈。

松翠新裁似鶴翎。手中雲影落深青。宮
花忽動紅千帳。禁柳齊分綠半櫺。金掌
擎秋調玉屑。銅渾窺夜約銀釘。不知太
史朝來奏東壁。光聯第幾星。

烏桓落日稍沉西。南極青山女堞低。
谷夏泉經雨漲。龍堆秋草拂雲齊。一函
祠檢將升玉萬里。九封不用泥僂真。夜
涼談往事。乘車猶欲避雞栖。

送張明德使君赴南恩州

元言別表集卷五 卷五
幾許炎州畫裏山。西風驅向馬前看。詩人舊志三刀喜。邊候新乘一障安。時取椰漿斟玉液。饒將桂蠹薦雕盤。雪花定此常年大。蕪寢香凝夜氣寒。

贈劉雲江宗師

陸都刺

羽人推轉阿香車。童子穿松拾翠華。天上賜衣霑雨露。山中詩錦織雲霞。瑤臺紫氣秋橫劍。石室丹光夜走砂。擬借茅君三曰鶴。乘風騎到玉皇家。

三衢馬太守昂夫索題爛柯山石

橋

洞口龍眠紫氣多。登臨聊和采芝歌。爛柯仙子何年去。鞭石仙人此地過。烏鵲橫空秋有影。銀河垂地水無波。遙知題柱凌雲客。天近應聞織女梭。

臺山懷古

越王故國四圍山。雲氣猶屯虎豹關。銅
獸暗隨秋露泣。海鴉多背夕陽還。一時
人物風塵外。千古英雄草莽間。日莫鷓
鴒嗥更急。荒臺叢竹兩斑斑。

過廣陵驛

秋風江上芙蓉老。階下數株黃菊鮮。落
葉正飛揚子渡。行人又上廣陵船。寒砧
萬戶月如水。老雁一聲霜滿天。自笑棲
遲淮海客。十年心事一燈前。

次韻登凌歊臺

山勢如龍去復迴。閑雲野望護重臺。離
宮夜有月高下。輦路日無人往來。春色
不隨凶國盡。野花只作舊時開。斷碑衰
草荒煙裏。風雨年年上綠苔。

次友人春別

宋 无

波流雲散碧天空。魚雁沉沉信不通。楊

柳昏黃晚。西月梨花明。白。夜東風秋。千
庭院人初下。春半園林酒正中。背倚闌
于思往事。画樓魂夢可會同。

和維揚友人

陳旅

揚子江頭水拍天。人家種柳住江邊。吳
娃盪漿潮生浦。楚客吹簫月滿船。錦纜
憶曾遊此地。瓊花開不似當年。竹西池
館多紅藥。日夜題詩舞袖前。

送宜黃劉縣尹

寶劍妝成即遠遊。郎心何似妾心憂。茜
裙香濕芙蓉雨。翠袖涼生薜荔秋。江北
長愁寧滯酒。周南多病莫登樓。海門潮
落江瑤美。能把千金買越舟。

聽松軒為丹邱杜高士作

張翥

長松千樹擁前榮。虛籟還從樹底鳴。一

片海濤雲杪墮幾番山雨月中生茶香
夜煮苓泉活琴思秋翻鶴帳清安得南
華老仙伯相隨軒上說風聲

憶吳興

憶汎茗華溪上船故人為我重留連半
山塢寺藏雲樹繞郭樓臺住水天白榜
載歌明月裏青帘沽酒畫橋邊計籌山
下先塋在欲往澆松定幾年

憶維揚

蜀岡東畔竹西樓十五年前爛漫遊豈
意繁華今劫火空懷歌吹古揚州親朋
未報何人在戰伐寧知幾日休惟有滿
襟狼籍淚何時歸灑大江流

秦淮晚眺

赤欄橋下暮潮空遠火踈舂曉靄中星
月半天分落照斷雲千里附歸風嚴城

鼓角秋聲早故國山川王氣為莫訝時
來一長望越冷荆賦思無窮

郡城晚望覽臨武臺故基

全晉山川氣象開滿城煙樹擁樓臺
土風舊有堯時俗人物今無楚國材
千嶂晚雲原上合兩河秋色雁邊來
昔時勝賞空陳迹落日登臨畫角哀

送壽宏毅應奉赴與國路經歷

貢師泰

院門深鎖落松花東接蓬萊小海斜
絳蠟夜深催視草紫泥春蚤聽宣麻
鳳凰池上人辭直鴻厓江南客過家
幙府秋來清似水吟詩應對白鷗沙

送東流葉縣尹

江流東下縣南遷一簇人煙野岬邊
蒹筍洲青鷗鳥狎楊花浪白鱗魚鮮
印來

聚吏排衙鼓社到隨民出俸錢。應是繡衣行部處攔街。齊頌長官賢。

朱仲文編修還江西諸公分題賦詩為餞予適同載南歸約至揚子

橋分別因為賦此

瓜洲渡口山如浪。揚子橋頭水似雲。夾岸芙蓉紅旖旎。滿汀楊柳綠紛紛。一杯酒向今朝別。萬里船從此地分。他日重來須艤櫂。莫教驚散白鷗羣。

贈天台李鍊師

翠蛟青鳳下晴空。家住天台第幾重。歲久松肪成琥珀。夜深丹氣出芙蓉。仙童奏簡騎文虎。太乙懸旗起絳龍。昨夜從師到天上。故山還著白雲封。

次段吉甫助教春日懷江南韻

廼賢

言另表集卷五
花底開尊待月圓。羅衫半浥酒痕鮮。一
年湖上春如夢。二月江南水似天。修禊
每懷王逸少。聽歌却憶李龜年。卜鄰擬
住吳山下。楊柳橋邊樣畫船。

睡燕

謝宗可

補巢銜罷落花泥。困頓東風倦翼低。金
屋晝長隨蝶化。雕梁春盡怕鶯啼。魂飛
漢殿人應老。夢入烏衣路轉迷。却怪卷
簾人喚醒。小橋深巷夕陽西。

城外見杏花

吳師道

曲江二十年前會。回首芳菲似夢中。老
去京華度寒食。閑來野水看東風。樹頭
絳雪飛還白。花外青天映更紅。聞說琳
宮更佳絕。明朝攜酒訪城東。

秋日

周權

石脈泉花蘸眼明。竹根沙路舊經行。雲

歸天際山容澹。日落江頭雁影橫。梧葉
庭除秋漸老。豆花籬落晚初晴。客行迢
遞歸心遠。煙火蒼茫起莫程。

晚春

輕車繁吹尚紛紛。袞袞香浮紫陌塵。杜
宇青山三月暮。桃花流水一溪雲。東風
旗旆亭中酒。小雨闌干柳外人。何許數
聲牛背笛。天涯芳草正斜曛。

和嶧縣梁公輔夏夜泛東湖

袁士元

短棹乘風湖上遊。湖光一鑑湛於秋。小
橋夜靜人橫笛。古渡月明僧喚舟。鴛浦
藕花初過雨。漁家燈影半臨流。酒闌興
盡歸來後。依舊青山繞客樓。

舟過石門梁安峽 黃鎮成

書畫船頭載酒迴。滄洲斜日隔風埃。一

雙白鳥背人去無數。青山似馬來天際。
兩帆梁峽出水心。雲寺石門開同遊。
有客如高李。授簡惟慚賦峴臺。

和薩天錫留別張貞居寄倪元鎮

鄭元祐

梁溪歲暮若為情。溪上梅花待曉晴。
逕雪冷埋山屐齒。簷冰夜墮石牀聲。
內篇攜向松根讀。如意持將竹裏行。
短晷何能理幽事。南窗翦燭話寒更。

七月七日同宋顯夫學士暨經筵

僚屬遊上京西山紀事二首

周伯琦

聯岡疊阜衛神都。萬幙平沙八陣圖。
朝市星垣周社稷。宗藩盤石漢規摹。
官隄亘野豐青草。禁籞深林暗碧榆。
地闢天開到今日。九重垂拱制寰區。

盤盤絕頂撫崢嶸。目盡天涯一掌平。海
氣騰空搖鐵刹。山風卷霧淨金城。鷓鴣
秋健諸酋帳。苑馬宵肥七校營。相顧依
然情未已。攜壺明日約同傾。

題玉山草堂

陳基

隱居家住玉山阿。新製茅堂接薜蘿。弱
翠飛來春雨次。麝香眠處落花多。竹枝
已聽巴人調。桂樹仍聞楚客歌。明日扁
舟入青浦。不堪離思隔滄波。

留別賽景初

張憲

暖。雲。將。雨。驟。陰。晴。四。月。羅。衣。尚。未。成。萬
點。愁。心。飛。絮。影。五。更。殘。夢。賣。花。聲。方。空
越。白。承。恩。厚。繡。襖。諸。于。照。道。明。自。笑。窮
途。不。歸。去。空。懷。漫。刺。闔。閭。城。

錢塘懷古率堵無傲同賦

楊維禎

天山乳鳳飛來小南渡衣冠又六朝
劫火自焚楊柳塔箭鋒猶抵伍胥潮
燐光夜附山精出龍氣秋隨海霧消
惟有宮人斜畔月多情還自照吹簫

寄衛叔剛

二月春光如酒濃好懷每與故人同
杏花城郭青旗雨燕子樓臺玉盞風
錦帳將軍烽火外鳳池仙客碧雲中
憑誰解

釋春風恨只有江南盛小叢

無題效商隱體四首

與袁子英同賦

當軒隊子立紅靴龜甲屏風擁絳紗
公子銀瓶分汗酒佳人金勝翦春花
曲調青鳳歌聲轉觥進黃鵝舞勢斜
五十男兒頭未白臨流洗馬走紅沙

主家院落近連昌燕子歸來舊杏梁
金埒近收青海駿錦籠初教雪衣娘
卷衣

甲帳春容曉吹笛西樓月色涼今夜阿
鴻新進劇黃金小帶荔枝裝

二月皇都花滿城美人多病苦多情一
雙孔雀銜青綬十二飛鴻上錦箏酒掬
珍珠傳玉掌羹分甘露倒銀罍不堪容
易少年事爭遣狂夫作後生

天街如水夜初涼照室銅盤壁月光別
院三千紅芍藥洞房七十紫鴛鴦
蹣跚向驪樣羅帕垂鬢女直妝願爾康
強好眠食百年歡樂未渠央

元詩別裁集卷六

元詩別裁集卷六

姚培謙述齋

雲間張景星二銘點閱

王永祺補堂

七言律

湖樓

張昱

樓前芳草碧盈盈。付與幽禽自在鳴。隄上馬馱紅粉過。湖中人載畫船行。日長

元詩別裁集卷六 七律

燕子語偏好。風暖楊花體。又輕何限才。
情被花惱。獨教書記得狂名。

西山亭留題

馬頭曾為使君回。北望新亭道路開。於
越地形緣海盡。句吳山色過江來。英雄
有恨餘湖水。天地忘懷入酒杯。珍重謝
家林下客。玉山何待倩人推。

醉題

二月鶯聲最好聽。風光終日在湖亭。清
宵酒壓楊花夢。細雨燈深孔雀屏。情在
綢繆歌白苧。心同慷慨贈青萍。方平自
得麻姑信。從此天間見客星。

送丁道士還豐陵

丁令還家骨已仙。更無城郭有山川。未
添白髮三千丈。又見銅駝五百年。荒草
茫茫連故國。孤雲冉冉下寥天。灋蘭歌

送潺湲水極望洛陽思惘然

贈沈生還江州

獅心正爾怯高樓。况復樓中賦遠遊。客裏登臨俱是感。人間送別不宜秋。風前落葉隨車滿。日下浮雲共水流。知汝琵琶亭畔去。白頭司馬憶江州。

贈寓客還瓜州

把酒臨風聽櫂聲。河邊官柳綠相迎。幾潮路到瓜州渡。隔岸山連鐵甕城。月色夜留江叟。遂花枝春覆寺樓。箏贈行不用歌楊柳。此日還家足太平。

北里

倪瓚

舍北舍南來往少。自無人覓野夫家。鳩鳴桑上還催種。人語煙中始焙茶。池水雲籠芳草氣。井牀露淨碧桐花。練衣挂石生幽夢。睡起行吟到日斜。

寄熙本明

在山無事入城中。每問歸樵得信通。松
室夜鐙禪影瘦。石潭秋水道心空。幽扉
獨掩林間雨。疎磬遙傳谷口風。幾度行
吟欲相覓。亂流深澗隔西東。

三月一日自松陵過華亭

竹西鶯語太丁寧。斜日山光澹翠屏。春
與繁花俱欲謝。愁如中酒不能醒。鷗明
野水孤帆影。鶻沒長天遠樹青。舟楫何
堪久留滯。更窮幽賞過華亭。

別章鍊師

方舟共濟春江濶。訪我寒煙菰葦中。鼓
柁斜衝蕩葉雨。鉤簾半怯杏花風。仙人
壇上芝應碧。玉女窓中桃未紅。擬趁輕
帆數來往。縹壺不惜酒如空。

與伯雨登溪山勝概樓

言身表集卷之
樓下清溪夏亦寒。溪頭箇箇白鷗閑。風
回綠卷平隄水。林缺青分隔岫山。若士
振衣千仞表。何人泛宅五湖間。絕憐與
子同清賞。擬向雲霄共往還。

東林隱所寄陸徵士

寢扉桃李書陰陰。耕鑿居人有遠心。一
夜池塘春草綠。孤邨風雨落花深。不嗔
野老羣爭席。時有游魚出聽琴。白髮多

情陸徵士松間石上續幽吟

和楊茂才閑居 郭 鈺

板橋通徑薜蘿深。濃翠浮衣竹十尋。嘯
鳥漸馴時近客。歸雲不動似知心。翦苔
盤石移碁局。添火香篝續水沉。賦筆惟
應潘岳好。恨無樽酒與同斟。

訪友人別墅

陰森萬木曉蒼茫。路轉山腰問草堂。池

湧慢波。萍葉散窗。涵細雨。橘花香。讀書
程度輸年少。中酒心情厭日長。公子飄
飄才思濶。何妨高詠伴滄浪。

和酬宋竹坡韻

寄詩問我山中事。性懶家貧一事無。春
瓮酒香梅未落。午窓夢起鳥相呼。舊來
叔夜交游絕。老去文通筆硯枯。鷗社共
盟君未棄。何須馳志向夷吾。

錢塘春感六首

王逢

紫鬪駟車從六龍。盡隨仙曲度青空。蒼
山樓闕旃林裏。赤羽旌麾野廟中。百姓
未忘周大賚。成都元有漢遺風。流鶯不
管傷春恨。衝落桃花滿樹紅。

王氣凌虛散曉霞。虎闈麟閣靜煙花。中
天日月迂黃道。滄海風雲冷翠華。望帝
神遊夔子國。烏衣夢隔野人家。當時舉

目山河異豈但紅顏泣塞笳

周南風俗漢衣冠五色雲中憶駐蹕瓊
瑤檜高藏白獸蓋珠花發降文鸞河通
織女機絲溼雨歇巫娥翠黛寒滿地吳
山誰灑淚一江春水獨凭闌

日華初動袞衣明劍佩千官隱繡楹五
色黼函開玉座九重湯藥下銀罌書題
鳳尾仙曹喜恩浹螭坳學士榮文化有
餘戎事略銅駝草露不勝情

瑤池青鳥集觚稜白塔金鳧闕夜燈雲
母帳虛星采動水晶宮冷露華凝驪山
草暗墟周業郿塢花繁失漢陵白馬素
車江海上依然潮汐撼西興

金爵觚稜月向低泠泠清磬萬松西五
門曙色開龍尾十日春寒健馬蹄紅霧
不收花氣合綠波初漲柳條齊遺民暗

言別表集卷之二
憶名都會尚繞湖濱唱大堤

送薛鶴齊真人代祀天妃還京

蓬萊官裏上卿班。代祀天妃隔歲還。日
繞五文皆御氣。海浮一髮是成山。風霆
夜護龍鸞節。雲霧朝披玉雪顏。聖渥旣
隆。化盛轉輸應盡入秦關。

題幽居

葉顥

隔溪春色兩三花。近水樓臺四五家。濁
酒不妨留客醉。好山長是被雲遮。松根
淨埽彈琴石。柳下常維釣月槎。路狹不
容車馬到。只騎黃犢訪煙霞。

述懷寄光遠并簡城南諸友

錢惟善

野人無事久忘機。肯信紛華有是非。花
信次聞鶯百轉。麥芒初長雉雙飛。書中
歲月仍為客。枕上江山屢夢歸。時復思

君倚深樹不知殘雨溼春衣

寄仲堅漢臣二子 段克已

經春日日臥空廬。門巷蕭條長者車。
一卷時看玉湛易。數行懶寄子公書。
風光少得如人意。顏面從教與世疎。
聞健不來花下醉。明年花發定何如。

中秋之夕封生仲堅衛生行之攜

酒與詩見過依韻以答

段成已

夜涼河漢靜無聲。澄澈天開萬里晴。
蟾吐寒光呈皎潔。桂排疎影甚分明。
良宵方喜故人共。醉語那知隣舍驚。
一片詩魂招不得。九霄直與月俱清。

次胡葦杭韻 仇遠

會識清明上巳時。嬾能遊冶步芳菲。
梨花半落雨初過。杜宇不鳴春自歸。
雙冢

元言另表集卷之六
年深人祭少。孤山日晚客來稀。江南尚有餘寒在。莫倚東風褪絮衣。

懷古

吹殺青燈炯不眠。滿襟懷古恨。絲絲江東曾識桓司馬。滄海難追魯仲連。吳岫月明吟木客。漢宮露冷泣銅仙。何時一酌桃源酒。醉倒春風數百年。

和韻胡希聖湖上

連作湖山五日遊。沙鷗慣識木蘭舟。清明寒食荒城晚。燕子梨花細雨愁。賜火恩榮皆舊夢。禁煙風景似初秋。鳳絲龍竹繁華意。猶為西林落日留。

宿集慶寺

半生三宿此招提。眼底交遊更有誰。顧愷漫留金粟影。杜陵忍賦玉華詩。旋烹紫筍猶含籜。自摘青茶未展旗。聽徹洞

簫清不寐月明正照古松枝

題溧陽市

萬家大縣舊留都一派中江入太湖縮
項魚肥人膾玉長腰米貴客量珠府分
南北寒蕪合橋直東西夜市無却是旗
亭浮蟻美杖頭能費幾青蚨

遊天竺寺

白珽

山轉龍泓一徑深嵐煙吹潤撲衣巾松

蘿掩映似無路猿鳥往來如有人講石
尚存天寶字御梅嘗識建炎春城中遮
日空西望自與長安隔兩塵

洛陽懷古

楊果

洛陽雲樹鬱崔嵬落日行人首重回山
勢忽從平野斷河聲偏傍故宮哀五噫
擬逐梁鴻去六印休驚季子來惆悵青
槐舊時路年年無數野棠開

真定懷古

陳孚

千里桑麻綠蔭城。萬家燈火筦絃清。恒
山北走見雲氣。滹水西來聞雁聲。主父
故宫秋草合。尉陀荒塚暮煙平。開元寺
下青苔石。猶有當時舊姓名。

永州

燒痕慘澹帶昏鴉。數盡寒梅未見花。回
雁峰南三百里。捕蛇說裏數千家。澄江
繞郭聞漁唱。怪石堆庭見吏衙。昔日愚
溪何自苦。永州猶未是天涯。

開平即事二首

百萬貔貅擁御閑。灤江如帶綠迴環。勢
超大地山河上。人在中天日月間。金闕
觚稜龍虎氣。玉階閭闔鷺鷥班。微臣亦
有河汾策。願叩剛風上帝關。

天開地闢帝王州。河朔風雲拱上游。鷓

元詩別表集卷之六
影遠盤青海。月雁聲斜送。黑山秋龍岡。
勢遶三千陌。月殿香飄十二樓。莫笑青
衫窮太史。御爐曾見袞龍浮。

三月晦遊道場山宿清公房與成

父同行二首

鄧文原

絕頂軒窗納晚晡。下方燈火聽鐘魚。天
連震澤涵元氣。地涌浮圖切太虛。涼立
松風觀石溜。晚尋樵徑扣僧廬。孤亭山
澗石縈紆。紫竹叢晴雲。吹落水晶宮。夜
寒身宿群峰頂。花盡春歸萬木中。儻買
山田營破屋。時過僧寺駕孤篷。只應渺
渺軒前路。杖履長陪鶴髮翁。

海子上即事

李材

馳道塵香逐玉珂。彤樓花暗弄雲和。光
風已轉瀛洲草。細雨微添太液波。月榭
管絃鳴曙早。水亭簾幙受寒多。少年弗

元詩別集卷之二
動傷春感。喚取青娥對酒歌。

新淦販步作

何中

松筠色潤翠成圍。鵝鴨聲多水漸肥。隔
縣販人爭野路。迎年姹女試新衣。暖煙
黃柳知春到。殘雪青山伴客歸。茅屋酒
旗隨處有。悠悠世事儘相違。

半山亭

于石

萬疊嵐光冷滴衣。清泉白石鎖煙扉。半
山落日樵相語。一徑寒松僧獨歸。葉墮
誤驚幽鳥去。林空不礙斷雲飛。層崖峭
壁疑無路。忽有鐘聲出翠微。

清明次韻趙登

九十春光半晦明。東郊攜手趁新晴。飄
零風絮如行客。冷暖厨煙見世情。宿雨
鞦韆花有淚。斜陽古塚草無名。勸君且

盡樽前與柳上一聲何處鷺

瀟江亭

背依古塔面層峰曲曲闌干峻倚空萬
屋參差江色外片帆出沒樹陰中五更
鐘鼓半山月兩岼漁樵一笛風極日子
陵臺下路滔滔惟有水流東

西湖

鄉人杜伯高昔與諸公飲於湖上得風月一聯子愛其語

因為足成之

西湖勝概甲東南滿眼繁華今幾年鐘
鼓相聞南北寺笙歌不斷往來船山圍
花柳春風地水浸樓臺夜月天士女只
知遊賞樂誰能軫念及三邊

沛公亭

傅若金

遙山寂寂對危亭壞礎歎沙柳自青四
海久非劉社稷千秋猶有漢精靈豐西
水散煙沉浦碭北雲來雨入庭坐想酒

示詩別表集卷六
三
酣思猛士歌風臺下晚冥冥

登樓

樓上西風吹画屏。樓前秋思滿都亭。金
河水去涓涓碧。瓊島雲來冉冉青。近見
蕭何成第宅。舊聞汲黯在朝廷。明時進
用多英傑。迂腐深慚守一經。

題張齊公祠

將軍結髮事光朝。百戰山河血未銷。總
說雲雲能慷慨。無聞去病寂嫖姚。煙塵
劍戟迷秋峒。風雨旌旗落暮潮。自古英
碓湏廟食。精靈何待楚詞招。

正月十七日麗正門觀迎接口號

南徼旌旗萬里迴。中天城闕九重開。龍
門仗簇青雲起。鶴禁香通紫氣來。父老
多流去日淚。公卿不乏濟時材。已聞奉
壘歸金室。早聽趨朝進玉杯。

送唐子華嘉興照磨

子華名棣吳興人善画

聞君秋思滿南湖。行李今晨發帝都。幕府初乘從事馬。江城還憶步兵鱸。樹浮四日山侵越。潮蹴青天海入吳。閑暇馮高動詩興。須成一醉掃新圖。

上蔡

上蔡城頭黃葉多。聞雞看劍起長歌。徒憐丞相東門犬。猶憶將軍半夜鵝。樹底衣裳沾霧雨。馬前燈火動星河。涼風滿路吹行驛。那似金門聽玉珂。

興安縣

亂峯如劍不知名。篁竹蕭蕭送驛程。轉粟未休離水役。負戈猶發夜郎兵。百蠻日落朱旗暗。九嶺風來畫角清。空使腐儒多感慨。西南群盜幾時平。

書南寧驛

元言別表集 卷二
歲晚驅馳憶帝京。北風回首重關情。中
天日月迴金闕。南極星辰繞玉衡。父老
尚煩司馬檄。蠻夷須用伏波兵。也知文
德能柔遠。傳道新恩欲罷征。

洞庭連天樓

崔嵬古廟。歷危沙。縹緲飛樓。人斷霞南。
極。千峰迷楚越。西江衆水。混渝巴。鮫人
夜出。風低草。龍女春還。雨溼花。北倚闌
干望京國。故人何處認星槎。

聞張吏部督海運歸詠懷奉簡

日邊雙節下滄溟。雲際千艘赴驛亭。真
為邦畿須轉粟也。因江海念流萍。玉京
永夜瞻卿月。銀漢清秋識使星。待盡西
風始相見。客愁如酒一時醒。

送張秀才北上時將赴海

身逐征帆赴海涯。道逢行李問京華。涓

人解致燕王馬卜史工占蜀客槎。冠蓋
早朝星在樹管絃春宴月當花。盛時繁
麗應如昨把酒聞鶯肯憶家。

岳陽中秋值安南貢使因懷舊遊

洞庭秋氣滿龍堆。為客偏驚節序催。鐵
笛乍聞雲外過。瓊樓應傍月中開。越裳
重譯三年至。溟海浮槎八月來。忽憶舊
游今萬里天涯長見雁飛回。

題栖碧山為淦龔舜咨賦

山人愛山如李白。幽棲還在碧雲深。松
杉繞屋清宵響。雷雨懸崖白晝陰。石上
每同仙客坐。花間猶恐世人尋。京華日
日多塵土。終擬投簪話夙心。
揭文安公云子欲賦
栖碧久矣興無由起一日臨江傳與礪
來開卷同賦之子詩未成與礪已就非
不可更作念無可以過
與礪也遂易結語而已

大都雜詩

宋本

元言另表集卷之二
繡錯繁華徧九衢。上林詞賦漢西都。朱
門細婢金條脫。紫禁材官玉庶盧。萬里
星辰闕上界。四朝冠蓋翊皇圖。東鄰白
面生紈綺。笑殺揚雄卧一區。

都城雜詠

宋 棧

流珠聲調弄琵琶。章曲池臺似館娃。羅
袖舞低楊柳月。玉笙吹綻牡丹花。龍頭
瀉酒紅雲灑。象口吹香綠霧斜。却笑西

鄰蠹書客。牙籤緗帙費年華。

明照坊對雨

章臺車馬去如流。白雨霏煙拂畫樓。九
陌平鋪明似練。兩溝急瀉碧于油。美人
虹見西山霽。少女風來北里秋。涼意滿
襟。簾幙卷。官鴉歸樹夕陽收。

春莫雙清亭小酌懷張孟幼

吏退公庭雁鷺行。持杯暫對水雲鄉。山

門。晝。畫。酒。晴。影。花。落。煙。肢。漾。晚。香。酒。幟。
隔。津。標。柳。陌。漁。舟。避。浪。向。蒲。塘。懷。人。不。
得。同。相。賞。空。賦。停。雲。第。二。章。

予以延祐元年從先兄正獻公入
汴始識彥輝吳徵君是歲故中丞
馬公伯庸令翰林學士謝公敬德
國子博士王君師魯鄉貢河南行
省迄今二十五年予再以按行至

汴居監察行院去徵君所居僅半
里猶以公事未畢尚遲于請見時
馬公亦薨謝王在館閣感念存歿
賦唐律一首先遣持遺徵君正之

至元四年
戊寅

二十年前入汴州梵王仙館涉春秋家
家庭院森湖玉處處簾櫳映海榴金馬
石渠傷遠別邱山華屋動新愁誰憐閉

三言男老集卷二
著車中婦猶望元龍百尺樓

送巨德新

王士熙

渭城秋水汎紅蓮。白雪梁園作賦年。金馬朝回門似水。碧雞人去路如天。揚雄宅古平蕪雨。諸葛祠空老樹煙。小隊出游春色裏。滿蹊花朵正娟娟。

驪山宮圖

翠嶺含煙曉仗催。五家車騎入朝來。千

峰雲散歌樓合。十月霜晴浴殿開。烽火高臺留草樹。荔支長路入塵埃。月中人去青山在。始信昆明有劫灰。

留別凱烈彥卿學士

雅琥

十年帝里共鳴珂。別後悲歡事幾多。汗竹有編歸太史。雨花無迹染維摩。湘江夜雨生青草。淮海秋風起白波。明日扁

舟又南去。天涯相望意如何。

送謝芝甫赴山南憲

成廷珪

謝庭子弟多佳士。荆國山川總勝遊。萬里捧書催入幕。一朝過鼓發行舟。千猿啼處巴江夜。白雁來時楚甸秋。襄漢風流千古意。為君長憶仲宣樓。

夏日過萬蓬菴

愛汝東菴暑氣薄。解衣盤礴坐莓苔。一林綠竹盡可數。五月白蓮猶未開。捉麈談禪知獨往。買魚沽酒待重來。滄江日落山更好。且放輕舟緩緩迴。

送智惠隱住水月禪院

放船直到棲禪處。萬頃湖心一徑開。綠樹鳥驚風落果。碧潭龍去水生苔。西巖尊宿傳燈在。東海高僧杖錫來。今夜月

言身老集卷之二
三
明清似水太空無地著纖埃。

天運不已歲時又春學已可乎作

自勉詩呈李初教授諸公

黃清老

東風一笑可人心。旋瀝新醅對客斟。山
色未勻春意淺。梅花已老白雲深。半軒
依竹閒聽雨。千里懷人欲抱琴。試問樵
溪隔年意。碧波東注渺難尋。

九月一日遊昭亭

在宜州

丁復

山○色○江○光○帶○近○郊○道○旁○楊○柳○舞○寒○條○半○
生○九○日○黃○花○酒○多○在○西○風○白○下○橋○千○里○
客○遊○仍○暮○景○異○鄉○人○事○又○今○朝○老○來○未○
遣○登○臨○嬾○盡○醉○東○家○綠○玉○瓢○

陽明洞

韓性

日日攜壺坐釣磯。眼看門外軟紅飛。已

無遊騎尋芳事。却訪幽人入翠微。石磴欲青春雨足。酒爐初冷絮花稀。悠然自解登臨意。十里香風一棹歸。

鄭蒙泉鍊師子午谷圖

郊韶

子真今住子午谷。迺在蛟門西復西。繞屋長松落晴雪。倚天絕壁立丹梯。春回大壑三芝秀。月滿空山一鶴歸。歸去看

圖望瀛海。定應沐髮候天雞。

題漁家壁

漫郎家住黃泗浦。閒看飛花坐北窓。渡口青山高似屋。門前潮水直通江。垂楊繫艇已千尺。春鯉上盤繞一雙。野老相過無一事。白頭喜對酒盈缸。

題鄒惟中西樓

劉永之

西樓遠對鼎山斜。野客來尋駕鹿車。竹

與暝煙浮翠黛。石田秋雨潤銀沙。清尊
未酌心先醉。往事重論鬢欲華。肯借溪
南三畝宅。從君學種邵平瓜。

贈慶別駕

謝應芳

台州別駕不之官。煙水孤邨共歲寒。偶
有濁醪留晚酌。旋挑生菜簇春盤。三年
鄰里通家好。四海兵戈行路難。且喜門
前金色柳。東風堪作画图看。

懷詹伯遠

蝌蚪殘書補未全。齋居一榻坐來穿。楊
花。遶。屋。白。如。雪。溪。水。出。湖。青。接。天。冠。蓋
不來騎馬客。鷗鳧長傍釣魚船。多時欲
問平安信。伏日題詩寄竹邊。

和韻簡天則上人

朱希晦

涼風嫋嫋晚秋天。潮落雙門纜客船。永
郡城北有二門。郭九陌黃塵蓬鬢底。一
璞所以立名雙門。

籬香露菊花邊。故鄉鱸膾牽歸思。近砌
蛩聲攪夜眠。不道分攜成遠別。幾時林
下細談禪。

晚步張鞏田間

麻草

地入荒蕪。過客稀。邨深門巷。莫山圍。悠
悠。獨鳥穿雲下。策策寒鳥掠日飛。人事
百年。梧葉老。秋風萬里。稻花肥。兵塵河
朔。迷歸路。惆悵平沙。送夕暉。

登濮州北城

楊雲鵬

層城高絕一攀躋。歲杪臨風客思淒。燒
入馬陵。秋草黑。雁橫雪澤。莫天低。陳臺
事往。又何在。曹國川。遙望欲迷。牢落壯
懷誰與語。踈林殘照亂鴉啼。

鼓瑟

陳普

滿樓明月調雲和。五十絃中急雨過。彩
鳳拂衣鳴翠竹。素鱗鼓鬣出寒波。淒涼

楚客新愁斷清切。湘靈舊怨多一曲。更沉人已靜。江頭雲挂綠。嗟峨。

三月三日重遊虎邱

郭麟孫

細雨霏霏不濕衣。山前山後亂鶯飛。過橋春色緋桃樹。臨水人家白板扉。此地酒帘邀我醉。隔船簫鼓送人歸。清遊恐盡今朝樂。回首閭門又夕暉。

送趙虛一還金陵書虞翰林詩後

柯九思

詞臣通籍侍金闈。天語從容問葛蹊。雲外山高龍虎踞。人間松老鳳凰棲。翰林擬詔當紅藥。道士疏封出紫泥。更賜金錢祠泰畤。寒陽前殿臚璇題。

虞翰林詩序曰天曆二年三月廿五日集侍立延閣上顧問集嘗至金陵不集謹對曰嘗到又曰治亭是汝所題往年八九至其處新松當長茂矣

集謹對曰是未種松時到也近臣奏
言道士趙虛一所種也上曰然已陞
觀為宮汝知之乎集謹對曰臣奉勅
題榜賜之矣是日歸虛一來別歸江
南即告以聖上不忘治亭之意又三
日吳大宗師時卷來索詩贈行因錄
所得如上云詩曰春明畫侍奎章閣
聖上從容問治亭為報仙都趙真士
新松好護
萬年青

送程鵬翼赴山東運司經歷

齊人富國書猶在。煮海為鹽屬縣官。千
竈飄煙雲樹濕。萬盤凝雪浪花乾。西曹

儒雅聲華舊。東郡司存禮數寬。談笑雲
霞公事了。大明湖上凭闌干。

送趙鵬舉之西臺掾

李裕

掾曹騎馬赴西臺。迢遞關河幾日回。秋
草自隨人去遠。夕陽長共雁飛來。亂雲
荒驛迷秦樹。落葉殘碑有漢苔。最憶年
年寒食節。華筵誰向曲江開。

宿承天觀用楊廉夫韻

吳訥

承天觀裏開圖畫。吳越山河一覽中。半
夜月明湖水白。五更日出海門紅。綵船
春晚笙歌歇。粉堞風高鼓角雄。十二闌
干都倚遍。歸心飛過大江東。

送賈彥臨訓導霍邱

方行

中都會面得從容。兩載同聽長樂鐘。天
近君門嚴虎豹。地寬人海混魚龍。承恩
自合歸宣室。論道安能老辟雍。江柳春
花增別恨。白頭何日更相逢。

題岳武穆王墳二首

潘純

海門寒日澹無暉。偃月堂深晝漏稀。萬
竈貔貅江上老。兩宮環珮夢中歸。內園

羯鼓催花發。小殿珠簾看雪飛。不道帳前胡旋舞。有人行酒著青衣。

湖水春來自綠波。空林人迹少經過。夜寒石馬嘶風雨。日落山精泣薜蘿。江左長城真自壞。鄴中明月竟誰歌。惟餘滿地萋宏血。草色年深碧更多。

芝雲堂

周砥

芝雲主人絕蕭散。燕坐草堂門不扃。古

鼎隔簾香裊裊。新篁拂几玉亭亭。十年苦思耽詩卷。三日清齋寫道經。邀我醉眠書畫舫。月明吹笛看雲汀。

送曹廣文賦得富覽亭

周棊

危亭突兀斗城陰。風物蒼茫入望沉。萬古東南多壯觀。百年豪傑幾登臨。夜中日出扶桑近。天外江流灩澦深。好趁歸

帆拂天姥。共憑寥廓寄微吟。

西津夜泊

孤帆夜落石橋西。橋外青山入會稽。臥聽海潮吹地轉。起看江月向人低。一春衰謝憐皮骨。萬國艱虞歎鼓鼙。何處客船歌水調。令人歸思益淒迷。

次承文煥黃山醉歸詩韻

許恕

黃山之南江水西。麥秋天氣野陰低。隔溪雨過催花落。繞屋雲歸伴鶴棲。滌蕩新愁煩濁酒。扶持殘醉有枯藜。寄來妙句能相憶。那得樽前手共攜。

題潘氏畫壁

浮空積雪擁千鬟。山崦人家俯碧灣。飛閣捲簾高鳥外。夕陽流水古松間。豈無隱者攜家入。亦有仙翁采藥還。借我高

元言別表集 卷六 三十一

眠蘿屋裏月明風靜聽潺湲。

題金陵

陸仁

嚴正門當天闕高。景陽臺下草蕭蕭。江
圍大地蟠三楚。石偃孤城見六朝。落日
不將遺恨去。秋風能使旅魂消。忘情只
有龍河柳。煙雨年年換舊條。

